

### #12 DREJTORITË RAJONALE TË SHSSH-SË PREZANTOJNË ANALIZËN VJETORE TË PUNËS PËR VITIN 2017


Drejtoritë Rajonale kanë prezantuar Analizën Vjetore të Punës së institucionit në përputhje me prioritetet strategjike të SHSSH-së dhe MSHMS-së në fushën e mbrojtjes sociale. Konkreisht:

- Objektivat vjetorë
- Arritjet sipas sektorëve (NE, PAK, Shërbime Sociale)
- Sfidat e ndeshura gjatë vitit 2017
- Objektivat për vitin 2018
- Sugjerime për përmirësimin akoma më tej të punës

Të pranishëm në prezantimin e analizave ishin Drejtori i Përgjithshëm Luneda Sufali, dhe drejtorët e drejtorive në SHSSH. Të tjera sfida na presin, por jemi te vendosur të jemi pranë njerëzve në nevojë.



### #ZBATIMI ME SUKSES I SKEMËS SË RE TË NDIHMËS EKONOMIKE NË FOKUS TË 12 DREJTORIVE RAJONALE TË SHSSH



Kanë vazhduar edhe gjatë muajit shkurt kontrollet sistematike për 12 Qarqet lidhur me sistemin e ri të NE që po zbatohet. Po bëhen Verifikimet Elektronike të të dhënave, për të konfirmuar, vërtetësinë e deklarimeve të qytetarëve gjatë procesit të Aplikimeve. Skema e re e Ndhmës Ekonomike:

- ✓ Targeton më mirë më të varfërit,
- ✓ Shmang abuzuesit,
- ✓ Lehtësi në aplikim,
- ✓ Nuk ka kritere përjashtuese në aplikim,
- ✓ Mundësi reale për punësim.

**#LEHTËSIRA PËR PERSONAT ME AFTËSI TË KUFIZUARA. ME NDRYSHIMET E REJA VENDIMI I KMCAP-VE U SHKON NË SHTËPI.**



Reforma e Qeverisë Shqiptare për të lehtësuar qytetarët nga burokracitë në zyrat e administratës ka ndryshuar mënyrën e funksionimit të Komisioneve Mjekësore të Caktimit të Aftësisë për Punë (KMCAP) për vlerësimin e personave me aftësi të kufizuara.

Me ndryshimet e reja, asnjë person me aftësi të kufizuara nuk do të paraqitet pranë ambjenteve ku zhvillohen KMCAP. Ndryshe nga sa ndodhte më parë, vendimi do të merret nga komisioni bazuar në dokumentacionin e dosjes dhe përgjigjia i dërgohet qytetarit në shtëpi nga administrator shoqëror në njësinë vendore ku banon.

Bazuar në VKM 813 datë 29.12.2017 “Për disa ndryshime dhe shtesa në VKM 618 datë 07.09.2006 “Për përcaktimin e kriterëve, dokumentave dhe masës së përfitimit të pagesës për personat me aftësi të kufizuar” si dhe Urdhërin Nr.47, datë 11.01.2018 për Miratimin e Rregullores “Për organizimin, të drejtat, detyrat dhe funksionimin e komisionit mjekësor të caktimit të aftësisë për punë për vlerësimin e personave me aftësi të kufizuara dhe komisionit mjekësor të përcaktimit të verbërisë”, Kapitulli III/1. Rregullat e drejtimit, mënyra e shqyrtimit dhe marrja e vendimit në KMCAP, saktësohet se:

Kur qytetari paraqitet për herë të parë për vlerësim ose rivlerësim të aftësisë për punë, mjeku specialist plotëson saktë, qartë dhe me përgjegjësi “Fleta e Drejtimit për në KMCAP” dhe “Epikrizën Përcjellëse” për rastet e rivlerësimit të cilave u bashkëngjiten të dhënat e ID së personit, dhe ekzaminime, që janë të domosdoshme për evidentimin e plotë të gjendjes shëndetësore të qytetarit

Pra siç shpjegohet më sipër, qytetari që aplikon për herë të parë për përfitimin e pagesës për aftësi të kufizuar, paraqitet vetëm tek mjeku specialist në spital, dhe më pas merr në banesë vendimin final të KMCAP-it.

Kur vlerësimi bëhet për herë të parë, dosja shqyrtohet brenda 30 ditëve nga KMCAP-i, ndërsa kur bëhet rivlerësim, dosja duhet të paraqitet nga administrator shoqëror në Drejtorinë Rajonale të SHSSH dy muaj para përfundimit të afatit të vendimit të fundit.

Me këtë ndryshim në Rregullore qytetarët nuk do të sorollaten më zyrave të shtetit dhe nga ana tjetër do të shmangen në maksimum mundësitë për korrupsion.

### #BASHKËPUNOJMË PËR TË LUFTUAR TRAFIKUN E QENIEVE NJERËZORE.



Drejtoria Rajonale e SHSSH Shkodër ka marrë pjesë në takim të Komitetit Rajonal Anti-Trafik në Prefekturën e Shkodrës. KRAT Shkodër ka zhvilluar një takim pune me përfaqësues të Departamentit Ndërkombëtar, Kundër Trafikimit të Qënive Njerezore në Mbretërinë e Bashkuar, që kanë një mision Britanik në Shqipëri. Në fokus të takimit ishte forcimi i bashkëpunimit mes anëtarëve të KRAT me partnerët ndërkombëtarë për të parandaluar trafikimin e paligjshëm dhe emigrimin e pakontrolluar. D.R SHSSH Shkodër si pjesë e KRAT shpjegoi rolin e saj në këtë komitet, arritjet dhe sugjerime për përmirësimin e punës në luftën e përbashkët kundër trafikimit të qënive njerezore.

### #SHTËPIA E TË MOSHUARVE TIRANË ËSHTË E MBUSHUR ÇDO DITË ME DASHURI

Gjatë muajit Shkurt Shtëpia e të Moshuarve Tiranë është vizituar nga shumë të rinj. Vizitorët e radhës kanë qenë nxënësit e shkollës “Aleks Buda”. Ata zgjedhën të kalojnë fundjavën me të moshuarit e qendrës sonë duke diskutuar me ta lidhur me tematika të ndryshme, dhe duke marrë në shkëmbim këshillat e gjyshërve tanë.

Të rinjtë e kësaj shkolle na premtuan se do të vijnë përsëri në Shtëpinë tonë.



### **Endërr e bërë realitet: Të moshuarit marrin pjesë në sfidën “100 milion” në Top Channel**



Dy të moshuar, banorë të Shtëpisë të të Moshuarve Tiranë morën pjesë në një nga edicionet e sfidës “100 Milion” në televizionin Top Channel. Në një atmosferë mjaft të ngrohtë dy të moshuarit iu përgjigjën të gjitha pyetjeve të moderatorit Eno Popi, duke marrë dhe duatrokitjet e publikut. Kush guxon edhe fiton. Dy të moshuarit na bënë krenar duke i shkuar deri në fund sfidës duke fituar shumë prej 5 milion lekë (të vjetër).

Shtëpia e të Moshuarve Tiranë është një nga institucionet model të SHSSH dhe është në fokusin e qytetarëve që e vizitojnë çdo ditë, donatorëve që e mbështesin. Të moshuarit duan dashuri.

### **Të moshuarit vazhdojnë të punojnë për të ardhmen tonë. 10 pemë të mbjellura te Liqeni Artificial.**



Të moshuarit e Shtëpisë së të Moshuarve Tiranë së bashku me Kryetarin e Bashkisë, Erion Veliaj kanë mbjellë 10 pemë mimozash te Liqeni Artificial. Ata që punuan dëri në pleqëri për të ardhmen tonë, vazhdojnë të përcjellin mesazhin se nuk ka rëndësi mosha për të vazhduar të kontribuosh në zhvillimin e vendit tënd. Të moshuarit e Shtëpisë më të famshme të të Moshuarve në Shqipëri organizon çdo muaj aktivite social kulturore dhe sensibilizuese duke u bërë shembull pozitiv për brezat e rinj.